

Powšitkowne WOZJEWJENJA

njedźelu, 27. nowembra 2016

TCM – „Łužica pomha“ prosy wo dary za džěacy hospicny wotrjad

Towarstwo Cyrila a Metoda z.t. (TCM) chce ze swojej lětušej pomocnej akciju „Łužica pomha“ hospicny dom we Vilnjusu w Litawskej podpěrać, w kotrymž ma so wotrjad za na smjerc chore džěci zarjadować. Dom bu před lětami z klósterskeje ruiny natwarjeny. W Serbach derje znaty farar Hans-Friedrich Fischer, kotryž wosebje w lětnich mjesacach w serbskich wosadach měšnikow zastupuje, so sobu wo financowanje hospicneho twara stara.

Džensa džěla w tutej hladarni 29 přistajenych (lěkarjo, hladarjo, domowy personal a zarjadnistwo), kotrychž wjac hač 30 ludži čestnohamtsce podpěra. W tutym hospicu – jeničkim po cylej Litawskej – je tuchwilu 14 małych bydlenčkow za ludži, kotřiž su na raka schorjeli, a jich přiwuznych zarjadowanych. Před něšto mjesacami stej uniwersitna chorownja we Vilnjusu a Zwjazk katolskich žonow nawodnistwo hospica prosyłoj, zo by dom wo wotrjad za džesać na smjerc chorych džěci rozšěriło. Twarske kóšty za to wučinjeja něhdže milion eurow. Tuž prosy TCM wěriwych wo šćedriwe dary na konto Cyrill-Methodius-Verein e.V. IBAN DE 65 750 90 300 000 828 23 66, pod heslom „Hospicny dom“.

J. Špitank, předsyda TCM

Zetkanje samostejacych w Smochćicach

Samostejacy ze serbskich wosadow su na swoje přichodne zetkanje wutoru, 6. decembra, w 14 hodž. do Domu biskopa Bena w Smochćicach přeprašeni. Zajimcy njech so prošu hač do wutory, 29. nowembra, w redakciji Katolskeho Posoła přizjewja, telefonowe čisło (0 35 91) 55 02 12. Štóz chce wotewzaty być, njech to prošu zdžěli. Wšitcy njech sej Wosadnik sobu přinjesu. Tež zajimcy su wutrobnje witani.

Maćična akademija

Stawiznar Friedrich Pollack, wědomostny sobudžělaćer Serbskeho instituta w Budyšinje, přednošuje štwórtk, 1. decembra, w 19.30 hodž. w Budyskim hosćencu „Wjelbik“, Žitna 7, na temu „Serbscy studenća we 18. lětstotku. Přinošk k (něhdže) 300. jubilej Serbskeho předarskeho towarstwa w Lipsku“. Přednošk budže w němskej rěči, zastup je darmotny. Stawizniska sekcija Maćicy Serbskeje wšitkich zajimcow wutrobnje přeprašuje.

Beneficny koncert a spěwny wječork w Jaseńcy

Na 6. serbski beneficny spěwny wječor sobotu, 3. decembra, w Jaseńcy přeprašuje Florian Rynč zhromadnje z muskim spěwnym kwartetom Poštyrjoch. Započatk w Rynčec bróžni w Jaseńcy (čisło 8) je w 19.30 hodž. Nimo skupiny Poštyrjoch a jich přećelow wustupja tež Přezpólni. Wunošk z wječora naloži so za džělo Towarstwa swjateje Filomeny. Po koncerće su wšitcy na zhromadne spěwanje přeprašeni.

Młodostni na adwentničku!

Adwentnička serbskich młodostnych budže lětsa njedźelu, 4. decembra, w Radworju. Wona zahaji so w 14 hodź. z nyšporom w cyrkwi, kotryž wuhotuje chór 1. serbskeje kulturneje brigady. Po nyšporje zetkamy so na farje k zhromadnej swačinje. Dekanatny kružk změje za was hišće dalše překwapjenki spřihotowane. Budźće wćipni!

Kubłanske dny w Schmiedebergu

Kubłanske dny serbskeje dekanatneje młodžiny njebudu klětu kaž zwučene spočatk lěta, ale wot pjatka do njedźele, 17. do 19. měrca 2017. A wone wotměja so zaso w Schmiedebergskim Winfriedowym domje. *Dekanatny kružk*

Adwentne wiki a trjebane hrajki

Na adwentnych wikach pjatk a sobotu, 2. a 3. decembra, w Klóšterskej bróžni w Pančicach-Kukowje přewjedže so předań trjebanych hrajkow. Za to prosy džěłarnja swjateho Michała wo darowanje hrajkow. Tute móža so wšědnje w džěłarni wotedać. Wunošk z předanje přepoda so Christinje Pólkec, kotraž angažuje so za zakładnu šulu franciskankow w Malawiju. Zbytne a njepředate hrajki sprosředkuje Gerat Róbl džěćacym domam w Pólskej.

Paslenje hodownych darikow

Dekanatne dušepastyrstwo přeprošuje šulerki a šulerjow 6. do 8. lětnika sobotu, 17. decembra, wot 9 do 14 hodź. na paslenje hodownych darikow do Don Boskoweho domu we Worklecach. Zajimcy njech so prošu hač do wutory, 13. decembra pod telefonowym čisłom (03 57 96) 8 87 07 we Worklecach přizjewja. Za wudawki zběra so na wobdźělnika přinošk we wysokosći džesać eurow.

Poskitk džěłoweho městna

Dom swjateho Jana w Smječkecach pyta za nócnu službu pak chorobnu sotru (Gesundheits- und Krankenpfleger) pak hladarja starych z přidatnym wukubłanjom za hladanje zbrašenych (HPZ) pak hladarja-kublarja zbrašenych (Heilerziehungspfleger) abo z podobnym powołanjom a zwólniwosću, tule kwalifikaciju nachwatać. Džěłowy čas je wot wječora 20 hodź. hač do ranja 6 hodź., a to dvě do tři nocy wob tydžeń. Městno ma so wot 1. januara wobsadzić. Swoje pisomne požadanje měli zajimcy hač do 30. nowembra na adresu Dom swjateho Jana, Janska kupjel 1, 01920 Worklecy, pósłać.

Putniskej jězbje klětu do Roma a do Lourdesa

Tež klětu přeprošuju zaso zajimcow na putniku jězbu z lětađlom do Roma, a to wot njedźele do štwórtka, 7. do 11. meje. Dalša putniska jězba z busom powjedže wot srjedy, 13. septembra, do štwórtka, 21. septembra, do Lourdesa. Stacije su Gardaski jězor, Diano Marina při italskej rivierje, Monaco a Arles w Provence. Dompuć powjedže přez měšće Nevers a Beaune w Burgundže. Nadrobniše informacije dóstanu zajimcy pod telefonowymaj čisłomaj (01 63) 7 33 82 05 abo (03 57 96) 9 54 28 (po 19 hodź.) abo pola mje w Hórkach, Sydlišćowu puć 2. *Maćij Hadank*